

Schnaps

Anja & Nic

Lotti

Indernet

Dr Schuum-Party

Hauptsponsoren:
Laufen
Richterich
Ricola

NASEGRÜBLERGUGGE
LAUFEN 1984

Sheriff
Wurscht
Entschuldigung, wo ich's NIC?

...und s'Beschte isch dr Schuum!...
{Träume sind Schäume}

Am 26. Juli isch s'Stedti im Fährnseh cho,
Wieso? Das frog ig mi jo oh.
Nei Nei s'isch nur ä Witzli gsi,
D'Stadt Laufe isch denn voll drbi.

«s'SF bi de Lüt» isch z'Laufe gsi,
das isch ä riesä highlight für mi.
Ä super stimmig tolli Lüt,
Aso das isch den nit nume nüt.

Dr Nic de isch begeistäret gsi,
vo dem Empfang und derä Euphorie.
Und er het natürlich grad vo Afang a,
ä super Frau a sinerä sitä gha.

Eini, wo ihm Laufe het chöne nöcher bringä,
und mini Lüt, si het öbbe 15 Chingä.
das si natürlich nid alles ihri Ching,
denn sie isch Chindergartälehrerin.

Es git öbber, das ich veruggt,
Wo pro Tag 6 Moreköpf verdruggt.
Tag'i, Tag'us und Johr für Johr,
Es isch ke Witz, es isch wirklich wohr.

Nei nei si isch also nid dick, überhaupt kei Fass,
D'Moreköpf halte sä jung und schlank sisch scho no krass.
Ä mänge würd do scho bim zueluegä a Gwicht zue nä,
Das wird's bi dr'Müller Sonja nie gä.

So lang si no gsung und vital isch,
Chöme immer no jedä Tag ihri Moreköpf uf e Tisch.
Mir Laufner heis hald scho sehr guet,
Dr Otti het ä Delikatesse zauberet, us sim Huet.

Scho vieli vieli Johre het er das gmacht,
Und so het er ä Morekopfsucht entfacht.
Den jedä wo scho mol einä het gässä,
Wird de Geschmagg nie mehr vergässä.

Und s'beschti isch dr Schuum, dr Schuum, dr Schuum,
Das isch wirklich ä Mega boooooom.
Dr Schoggi isch natürlich o nid schlächt,
Süscht wer dr Morekopf jo o nid ächt.

Und no ne chlinä Tip zum Schluss für eucher Glück,
äset also nur s'Original, ä Meischerstück!
Den dr richtig Morekopf gits nur vo Laufä,
Aber für jederman/frau zum Chaufä.

Fasnecht 2010

Nebensponsoren und Dankig:
Dr Paswang's Beibol, em Einstein,
Borer Seidung, Flug- und Zeltplatz Dättige,
Märschlicher GmbH,
Morechept Fräulein us Röscher, ...